

**- SENAT -**

Broj: 01-1-1/24

Sarajevo, 07. 10. 2024. godine

**Z A P I S N I K****SA 1. KONSTITUIRAJUĆE SJEDNICE SENATA****UNIVERZITETA U SARAJEVU ODRŽANE 07. 10. 2024. GODINE**

**Prisutni/e članovi/ice Senata:** prof. dr. Tarik Zaimović, rektor, Hamdo Solo, MA, student-prorektor, prof. dr. Dubravka Pozderac-Lejlić, prof. mr. Faruk Lončarević, prof. dr. Erdin Salihović, prof. dr. Meliha Bašić, prof. dr. Senad Huseinbegović (po ovlaštenju)<sup>1</sup>, prof. dr. Mustafa Hasani, prof. dr. Jasmin Ahić, prof. dr. Sead Turčalo<sup>2</sup>, prof. dr. Eldin Jelešković (po ovlaštenju), prof. dr. Amel Kosovac, prof. dr. Arzija Pašalić, prof. dr. Fahir Bečić, prof. dr. Kenan Šljivo, prof. dr. Samir Dolarević, prof. dr. Mario Bernadić, prof. dr. Haris Lulić<sup>3</sup>, prof. dr. Amina Valjevac, prof. mr. Ališer Sijarić, prof. dr. Daniel Maleč, prof. dr. Muhamed Brka, prof. dr. Zinka Grbo, prof. dr. Nusret Drešković, prof. dr. Mirjana Gojkov-Vukelić (po ovlaštenju), prof. dr. Besim Balić, prof. dr. Muhamed Smajlović, prof. dr. Adaleta Durmić-Pašić, dr. sc. Muamer Džananović, dr. sc. Aladin Husić, dr. sc. Sedad Bešlija, dr. sc. Jasmin Hodžić, prof. dr. Emir Tahirović, te predstavnici/e Udruženja Studentski parlament Univerziteta u Sarajevu: Imran Pašalić, predsjednik, Rijad Crvenjak, Almedin Sinanović, Ema Huseinčehajić Ahmed Parić, Arbela Korjenić (po ovlaštenju) i Hana Jašarbašić (po ovlaštenju).

**Sjednici prisustvuju:** Kenan Filipović, dipl.iur., generalni sekretar Univerziteta u Sarajevu, Berina Smajlović-Doljančić, rukovoditeljica Službe za pravne poslove Univerziteta u Sarajevu i Alma Voloder-Madacki, viša stručna saradnica u Službi za pravne poslove u svojstvu zapisničarke.

Sjednica je počela u 13:00 sati.

Sjednicom je predsjedavao prof. dr. Tarik Zaimović, rektor Univerziteta u Sarajevu.

Utvrđeno je da od ukupno 40 članova/ica Senata, sjednici prisustvuje 37 članova/ica Senata sa pravom glasa, od toga 5 (pet) članova/ica sa ovlaštenjem koje se nalazi u dokumentaciji Senata.

<sup>1</sup> Stigao na sjednicu nakon usvajanja Dnevnog reda

<sup>2</sup> Stigao na sjednicu nakon usvajanja Dnevnog reda

<sup>3</sup> Stigao na sjednicu nakon usvajanja Dnevnog reda

Na prijedlog prof. dr. Tarika Zaimovića, rektora, jednoglasno je usvoje slijedeći

### **DNEVNI RED:**

1. Konstituisanje Senata Univerziteta u Sarajevu za mandatni period 2024-2028. godina i imenovanje prorektora Univerziteta u Sarajevu za mandatni period 2024-2028. godina
2. Usvajanje Poslovnika o radu Senata Univerziteta u Sarajevu

### **TOK SJEDNICE:**

#### **Ad-1.**

Nakon konstituisanja Senata Univerziteta u Sarajevu za mandatni period 2024-2028. godina, u skladu sa odredbama Zakona o visokom obrazovanju, Statuta Univerziteta u Sarajevu i Pravilnika o izboru prorektora Univerziteta u Sarajevu, prof. dr. Tarik Zaimović, rektor Univerziteta u Sarajevu, članicama i članovima Senata je izložio prijedloge za imenovanje prorektora i prorektorica Univerziteta u Sarajevu za mandatni period 2024-2028. godina.

Zatim je prof. dr. Tarik Zaimović otvorio diskusiju.

Prof. dr. Zinka Grbo je povodom iznesenog prijedloga za imenovanje prorektora i prorektorica istakla da ima principijelnu, ali ne i suštinsku primjedbu na navedene prijedloge.

Prof. Grbo je pojasnila da za prorektora/icu Univerziteta u Sarajevu nikada nije imenovan/a član/ica akademskog osoblja sa Univerziteta u Sarajevu – Pravnog fakulteta, posebno za resor finansija. Prof. Grbo je nadalje istakla da sa Univerziteta u Sarajevu – Ekonomskog fakulteta u rukovodstvu Univerziteta imamo rektora i predloženu prorektorica za finansije.

Prof. dr. Muhamed Brka je podržao diskusiju prof. dr. Zinke Grbo.

Prof. dr. Tarik Zaimović je istakao da treba uzeti u obzir i činjenicu da Univerzitet u Sarajevu ima više članica nego pozicija za prorektore. Također je istakao da je imenovanjem članova/ica, predstavnika/ica Univerziteta u Upravnom odboru Univerziteta u Sarajevu ovaj balans uspostavljen, tako da jedna od članica Upravnog odbora dolazi sa Univerziteta u Sarajevu – Pravnog fakulteta.

Prof. dr. Tarik Zaimović je pozvao članice i članove Senata da se izjasne o prijedlogu za imenovanje prorektora i prorektorica Univerziteta u Sarajevu za mandatni period 2024-2028. godina.

Senat je uz 2 (dva) „Suzdržana“ glasa donio odluke o izboru prorektora i prorektorica Univerziteta u Sarajevu za mandatni period 2024-2028. godina, kako slijedi:

- **Prof. dr. Dženana Husremović**, vanredna profesorica Univerziteta u Sarajevu - Filozofskog fakulteta, bira se za prorektorica za nastavu i studentska pitanja Univerziteta u Sarajevu.
- **Prof. dr. Naris Pojskić**, redovni profesor i naučni savjetnik na Univerzitetu u Sarajevu – Institutu za genetičko inženjerstvo i biotehnologiju, bira se za prorektora za naučnoistraživački rad Univerziteta u Sarajevu.
- **Prof. dr. Kemal Durić**, redovni profesor Univerziteta u Sarajevu – Farmaceutskog fakulteta, bira se za prorektora za međunarodnu saradnju Univerziteta u Sarajevu.
- **Prof. dr. Dušanka Bošković**, vanredna profesorica Univerziteta u Sarajevu - Elektrotehničkog fakulteta, bira se za prorektorica za kvalitet Univerziteta u Sarajevu.
- **Prof. dr. Benina Veledar**, vanredna profesorica Univerziteta u Sarajevu - Ekonomskog fakulteta, bira se za prorektorica za finansije Univerziteta u Sarajevu.
- **Prof. mr. Arma Tanović Branković**, vanredna profesorica Univerziteta u Sarajevu – Akademije scenskih umjetnosti, bira se za prorektorica za umjetnost, umjetničkoistraživački rad, kulturu i sport Univerziteta u Sarajevu.

U skladu sa navedenim, prof. dr. Tarik Zaimović, rektor Univerziteta u Sarajevu će potpisati rješenja o imenovanju prorektora i prorektorica Univerziteta u Sarajevu za mandatni period 2024-2028. godina.

#### **Ad-2.**

U vezi sa ponuđenim tekstom Poslovnika o radu Senata Univerziteta u Sarajevu, prof. dr. Tarik Zaimović je istako da su u isti inkorporirane ranije donesene izmjene i dopune.

Prof. dr. Muhamed Brka je istakao da je u predmetni Poslovnik potrebno vratiti raniju odredbu Poslovnika, kojom je bilo utvrđeno da u radu sjednice Senata na kojoj se vrši izbor rektora, odnosno prorektora, lice koje je kandidat za tu funkciju ne može glasati kada je u pitanju izbor rektora, odnosno prorektora.

Gospodin Kenan Filipović je predložio da se na današnjoj sjednici utvrdi Nacrt Poslovnika o radu Senata Univerziteta u Sarajevu i isti uputi članicama Univerziteta u javnu raspravu u trajanju od 10 dana, kako bi sve članice imale mogućnost da daju svoje primjedbe i prijedloge za poboljšanje teksta Poslovnika.

U skladu sa navedenim prijedlogom, jednoglasno je donesen slijedeći

### **ZAKLJUČAK**

1. Utvrđuje se Nacrt Poslovnika o radu Senata Univerziteta u Sarajevu i upućuje se članicama Univerziteta u Sarajevu u javnu raspravu.

2. Javna rasprava će trajati 10 (deset) dana od dana dostavljanja ovog zaključka.
3. Ovlašćuje se Služba za pravne poslove Univerziteta u Sarajevu da, u skladu sa primjedbama i prijedlozima iznesenim u javnoj raspravi, sačini Prijedlog Poslovnika o radu Senata Univerziteta u Sarajevu i dostavi Senatu na razmatranje i odlučivanje.

Prof. dr. Arzija Pašalić je istakla da je potrebno da se zaključci utvrđeni na sjednicama Senata precizno definišu, kako se ne bi događalo da se na sjednici Senata utvrdi jedan tekst zaključaka, a bude ispostavljen drugačiji tekst.

Prof. dr. Muhamed Brka, nadovezujući se na diskusiju prof. dr. Arzije Pašalić, je istakao da zaključci sa vanredne sjednice Senata održane 30. 09. 2024. godine ne odgovaraju ispostavljenim zaključcima u dijelu preambule i tačke I.

Prof. dr. Zinka Grbo je istakla da je zaključke potrebno prethodno verificirati, odnosno da se za zaključke koji se utvrđuju na sjednici, prije izjašnjavanja o istim, odredi kratka pauza, kako bi se zaključci izradili i pročitali članicama i članovima Senata.

Sjednica je završena u 13:25 sati.

**R E K T O R**

*Prof. dr. Tarik Zaimović, s.r.*

*Zapisničarka:*

*Alma Voloder-Madacki, dipl.iur. s.r.*